

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10.), a u skladu sa članom 35. stav (3) Zakona o izvršavanju Budžeta Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21.) i Programa utroška sredstava sa transfera za zaštitu kulturno-historijskih spomenika, broj: 02-11-5091/21 od 12.04.2021. godine, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 116. sjednici, održanoj dana 04.08.2021. godine, d o n o s i

ODLUKU

o odobravanju sredstava sa transfera za zaštitu kulturno-historijskih spomenika u 2021.godini

Član 1.

(Predmet)

Odobravaju se sredstva organizacijama i ustanovama sa područja Zeničko-dobojskog kantona u iznosu od 27.000,00 KM (slovima: dvadesetsedamhiljada konvertibilnih maraka) u svrhu sufinansiranja projekata iz oblasti zaštite kulturno-historijskih spomenika.

Član 2.

(Analitika konta)

Odobrena sredstva iz člana 1. ove odluke isplatit će se iz Budžeta Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21), razdjel 22, budžetska organizacija 01, potrošačka jedinica 0001-Ministarstvo za obrazovanje, nauku, kulturu i sport, ekonomski kod 614300, pozicija “Tekući transfer za zaštitu kulturno-historijskih spomenika”.

Član 3.

(Uplata sredstava)

Odobrena sredstva iz člana 1. ove odluke isplatit će se na osnovu programa utroška sredstava sa transfera za zaštitu kulturno-historijskih spomenika u 2021. godini, na transakcijske račune prema pregledu sačinjenom na javnog osnovu poziva, koji čini sastavni dio ove odluke.

Član 4.

(Izveštavanje)

Korisnici sredstava Budžeta namijenjenih za ovaj transfer dužni su najkasnije tri mjeseca po prijemu sredstava, resornom ministarstvu, dostaviti izvještaj o namjenskoj upotrebi odobrenih sredstava.

Član 5.

(Realizacija Odluke)

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 6.
(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-10881/21

Datum, 04.08.2021. godine

Zenica

PREMIJER
po ovlaštenju

Fahrudin Čolaković

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x „Službene novine Zeničko-dobojskog kantona“,

1x a/a.

Pregled raspodjele sredstava sa transfera za zaštitu kulturno-historijskih spomenika u 2021. godini

Naziv organizacije/ustanove	Projekat	Iznos sredstava (KM)
JU Opća biblioteka Maglaj	Digitalizacija u poplavi oštećenog fonda Specijalne zbirke stare i rijetke knjige i Zavičajne zbirke	3.000,00
JU Muzej Tešanj	Redovno održavanje (krečenje fasade, farbanje potkova i stolarije na Eminagića konaku	3.000,00
Muzej grada Zenice	Srednjovjekovno trgovište	3.000,00
UG Sevdah za mlade Visoko	Festival Studen vodo	3.000,00
Zavičajni muzej Visoko	Sistematsko arheološko istraživanje lokaliteta Svibe	4.000,00
JU Dom kulture "Edhem Mulabdić" Maglaj	Uređenje enterijera i dvorišta Uzeirbegovog konaka	3.000,00
Centar za kulturu Zavidovići	Adaptacija i uređenje muzejskog depoa	3.000,00
Manastir Udrim Gostovići	Glavni projekat restauracije manastira Udrim, manastirske crkve	3.000,00
NIPD "Naša riječ" d.o.o. Zenica	Čuvajmo naslijeđe za buduće generacije	2.000,00
UKUPNO	27.000,00 KM	